

AWEMainta

E DIFERENCIA DEN NOTICIA

ZAIDA EVERON A GANA E PRESTIGIOSO WORLD BREAD AWARD NA IBIE

ELEVANDO HERENCIA ARUBANO Y E ARTE DI TRAHA PAN



**ARUBA TA HOGANDO ²
DEN COSTONAN HALTO Y
NO TIN ALIVIO NA BISTA**

**CONTROLA TELEFON DI BO YIU ³
SEXTING TA UN TENDENCIA
ALARMANTE NA ARUBA**

**ARUBA BANK TA DESPEDI ¹⁴
DI SEÑORA LAUREEN DIX**



=exact

VCC
International NV

Supports All Your Business Activities & Processes!

Accounting | Inventory | Sales | CRM | On premise or cloud-hosting

Tel. 583-7072 | info@vcc-int.com | www.vcc-int.com

Zaida Everon a gana e prestigioso World Bread Award na IBIE

Elevando herencia Arubano y e arte di traha pan

ZAIDA Everon, un panadero visionario y bread sommelier certifica, a gana e premio mayor den e categoria di “Whole Wheat” na e World Bread Awards, cu a tuma luga durante e International Baking Industry Exposition (IBIE). E creacion magistral di Everon yama, “Pan di Tres Maishi”, ta un atributo na su descendencia Arubano y e cultivo di grano di nos antepasadonan riba e isla.

E logro di Everon no ta solamente un prueba di su talento, conocimiento y experiencia den panaderia, pero tambe ta resalta su rol unico como un embahadora pa e cultura di pan. Como un di e poco hende muhenan cu e titulo di un “bread sommelier certifica” den mundo, y un di e participante den e prome World Championship of Bread Sommeliers cu a tuma luga na Düsseldorf, Alemania den 2024 su trabou ta surpasa panaderia tradicional.

E “World Bread Awards” ta honra e standard mas halto di artesanía y innovacion den e mundo di panaderia. E “Pan di Tres Maishi” di Everon, un pan rustico y complica, a impresionar e huesnan cu su anecdota poderoso y profundamente personal.

E sabor unico di e pan ta bin di un mescla di tres grano geneticamente relaciona. Esakinan ta maishi, sorgum (maishi rabo), y caña di sucú. E tresnan aki a wordo cultiva historicamente pa nos antepasadonan riba e tera seco di Aruba.

E pan ta honra e ingeniosidad y e resistencia di e pueblo Arubano cu a transforma e krapnan fundamental aki den cuminda y un fuente di bida.

“E premio aki ta profundamente personal. Ta un honor cu ta reconoce no solamente e pan mes, pero tambe e historia y e hendenan tras di dje,” Zaida Everon a bisa. “Cu ‘Pan di Tres Maishi,’ mi kier honra e spirito di mi antepasadonan Arubano, cu a cultiva e tera y a transforma grano den cuminda. Como un bread sommelier certifica, mi mision ta pa conecta hende cu e profundidad increibel di pan; su historia, su aroma, su sabor. E triunfo aki ta permiti mi haci esey riba un tarima global, pruebando cu un pan por ta un instrumento poderoso pa e historia di un pueblo.”

Tocante Zaida Everon:

Zaida Everon ta un panadero reconoci, artista culinario, y un di e poco bread sommeliernan certifica rond mundo. E ta conoci pa su panaderia “T2Pan Sourdough Boutique” y su compromiso ta pa crea pan cu ta nutriente y significativo culturalmente.

E ta conecta tradicionnan di antepasadonan cu tecnicanan moderno, educando otro hende riba e historia profundo y e experiencia sensorial di pan.

Tocante e International Baking Industry Exposition (IBIE):

E International Baking Industry Exposition (IBIE) ta e evento principal pa e industria di panaderia den e Hemisferio Occidental, treciendo profesionalnan di rond mundo. E IBIE World Bread Awards ta mustra excelencia y innovacion den e arte di traha pan.



ALL YOU CAN EAT A-LA-CARTE

Sunday Brunch

\$60
PER PERSON

From 11am to 3pm
Please call 586-7800 ext. 231 or 242
E-mail: tdsba1@iberostar.com
www.tierradelsol.com